



**CUKAI PELANCONGAN 2017**

**PANDUAN AM  
CUKAI PELANCONGAN 2017  
(Versi 2)**

**Diterbitkan oleh :**

**Jabatan Kastam Diraja Malaysia  
Bahagian Cukai Dalam Negeri  
Putrajaya**

**4 Ogos 2021**

## **Penerbitan**

Tarikh dikemaskini: 4 Ogos 2021

*Panduan versi 2 ini menggantikan Panduan Am Cukai Pelancongan yang bertarikh 17 Mei 2018.*

## **Notis Hak Cipta**

Hak Cipta 2021 Jabatan Kastam Diraja Malaysia

Hak cipta terpelihara. Tiada bahagian daripada penerbitan ini boleh diterbitkan, diedarkan, disimpan dalam sistem perolehan kembali atau dihantar dalam apa-apa bentuk atau dengan apa-apa cara, termasuk di tempat untuk tujuan komersil tanpa kebenaran bertulis terdahulu Jabatan Kastam Diraja Malaysia kecuali dalam kes ringkas petikan yang terkandung dalam ulasan kritikal dan penggunaan bukan komersial lain yang dibenarkan oleh Akta Hakcipta 1987 (Akta 332). Dalam penghasilan semula atau pemetikan kandungan, perakuan sumber diperlukan.

## **Penolakan Tuntutan**

Maklumat ini bertujuan untuk memberikan pemahaman umum tentang layanan yang berkaitan di bawah Cukai Pelancongan dan bertujuan untuk memberikan pemahaman umum tentang kewajipan cukai pembayar cukai. Ia tidak bertujuan untuk menyelesaikan semua masalah cukai yang mungkin timbul secara komprehensif. Walaupun JKDM telah mengambil inisiatif untuk memastikan bahawa semua maklumat yang terkandung di dalam Panduan ini adalah betul, JKDM tidak akan bertanggungjawab terhadap sebarang kesilapan dan ketidaktepatan yang mungkin terkandung, atau sebarang kerugian kewangan atau lain-lain yang dilakukan oleh individu menggunakan maklumat daripada Panduan ini. Semua maklumat adalah terkini pada masa penyediaan dan tertakluk kepada perubahan apabila perlu.

## KANDUNGAN

<b>PENGENALAN</b> .....	<b>1</b>
Latar Belakang Cukai Pelancongan.....	1
<b>DEFINISI</b> .....	<b>1</b>
Pelancong.....	1
Premis Penginapan .....	2
Pengendali.....	4
<b>PENGENAAN DAN KADAR CUKAI PELANCONGAN</b> .....	<b>4</b>
Deposit .....	6
Pengiraan Cukai Pelancongan .....	7
<b>PERALIHAN</b> .....	<b>8</b>
<b>PENGECUALIAN DARIPADA CUKAI PELANCONGAN</b> .....	<b>10</b>
<b>PENDAFTARAN</b> .....	<b>12</b>
<b>INVOIS, REKOD, PENYATA DAN TAKSIRAN</b> .....	<b>14</b>
Invois .....	14
Nota Kredit dan Nota Debit.....	16
Penyimpanan Rekod .....	17
Tempoh Bercukai.....	17
<b>PERAKAUNAN CUKAI PELANCONGAN</b> .....	<b>18</b>
Penyata dan Pembayaran Cukai Pelancongan .....	18
Pembetulan kesilapan .....	19
Cara Penghantaran Penyata dan Pembayaran .....	20
<b>PEREMITAN, PEMBAYARAN BALIK DAN MENDAPATKAN BALIK</b> .....	<b>23</b>
Penolakan Daripada Penyata Cukai Pelancongan Yang Dibayar Balik.....	23
Pembayaran Secara Ansuran.....	23
<b>KESALAHAN-KESALAHAN BOLEH DIKOMPAN</b> .....	<b>24</b>
<b>SOALAN-SOALAN LAZIM</b> .....	<b>28</b>
<b>PERTANYAAN</b> .....	<b>27</b>
<b>BANTUAN DAN INFORMASI BERKAITAN CUKAI PELANCONGAN</b> .....	<b>27</b>



## **PENGENALAN**

1. Panduan ini disediakan untuk membantu pengendali yang menyediakan premis penginapan dan pelancong yang menginap di premis penginapan dalam memahami konsep pelaksanaan Cukai Pelancongan.
  
2. Panduan ini tidak terpakai ke atas pengenaan cukai pelancongan oleh pemberi perkhidmatan platform digital (PPPD). Sila rujuk Panduan Cukai Pelancongan (Pemberi Perkhidmatan Platform Digital) 2021 untuk maklumat lanjut.

## **Latar Belakang Cukai Pelancongan**

3. Pelaksanaan Cukai Pelancongan diperuntukkan di bawah perundangan berikut:
  - a) Akta Cukai Pelancongan 2017;
  - b) Peraturan-peraturan Cukai Pelancongan 2017;
  - c) Perintah Cukai Pelancongan (Kadar Cukai) 2017;
  - d) Perintah Cukai Pelancongan (Pengecualian) 2017; dan
  - e) Perintah Penetapan Tarikh Pelaksanaan 2017
  - f) Akta Industri Pelancongan 1992

## **DEFINISI**

### **Pelancong**

4. Istilah "pelancong" telah ditakrifkan dalam Seksyen 2 Akta Industri Pelancongan 1992 seperti berikut:
  - mana-mana orang, sama ada dia ialah seorang warganegara Malaysia atau selainnya, yang melawat mana-mana tempat di dalam Malaysia untuk apa-apa maksud yang berikut, iaitu -
    - a) keseronokan, rekreasi atau percutian;
    - b) kebudayaan;
    - c) agama;
    - d) melawat kawan atau saudara-mara;
    - e) sukan;
    - f) perniagaan;
    - g) mesyuarat, persidangan, seminar atau konvensyen;

- h) pengajian atau penyelidikan;
- i) apa-apa maksud lain yang tidak berhubungan dengan suatu pekerjaan yang mendapat saraan daripada tempat yang dilawati itu.

### **Contoh 1**

*Seorang warga Indonesia membuat lawatan ke Melaka untuk mendapatkan rawatan perubatan di Pusat Perubatan Eye Specialist. Sepanjang tempoh rawatan, dia menginap di Belle Hotel berhampiran. Beliau dianggap sebagai pelancong di bawah butiran 3 (i) seperti yang dinyatakan di atas dan penginapannya **tertakluk** kepada cukai pelancongan.*

### **Contoh 2**

*Seorang pengurus di Hotel Baiduri disediakan sebuah bilik untuk menginap atas keperluan kerjanya. Beliau tidak dianggap sebagai pelancong di bawah butiran 3 (i) seperti yang dinyatakan di atas dan penginapannya **tidak tertakluk** kepada cukai pelancongan.*

## **Premis Penginapan**

5. Istilah "premis penginapan" telah ditakrifkan dalam Seksyen 2 Akta Perindustrian Pelancongan 1992 seperti berikut:
  - mana-mana bangunan, termasuk asrama, hotel, rumah inapan, rumah tumpangan, rumah rehat, rumah pemalaman dan struktur lain sama ada kekal atau sementara, yang dikemukakan oleh tuan punya, pemilik atau pengurus, sama ada keseluruhan atau sebahagiannya, sebagai menawarkan tempat penginapan pemalaman atau tempat tidur kepada pelancong untuk disewa atau dengan balasan apa-apa bentuk ganjaran yang lain, sama ada makanan atau minuman juga disediakan atau tidak.
6. Premis penginapan sebagaimana yang ditakrifkan di bawah para 4 di atas adalah termasuklah "premis penginapan pelancong" seperti yang ditakrifkan dalam Seksyen 2 Akta Industri Pelancongan 1992.

7. Premis penginapan adalah termasuk penginapan yang inovatif seperti hotel jenis Apache, karavan, kontena, bustel, rumah bot, rumah pokok, tiub tidur, khemah, pelayaran dan penginapan yang serupa.
8. Seseorang yang mengendalikan atau menguruskan premis penginapan dipanggil pengendali di bawah Akta Cukai Pelancongan 2017 (ACP 2017).

### **Pengenaan cukai pelancongan ke atas premis penginapan**

9. Dalam keadaan di mana premis penginapan seperti rumah atau pangsapuri yang diuruskan oleh pengendali, tanpa mengambil kira sama ada premis tersebut berada di tempat yang sama (berkelompok atau diposisikan bersama-sama iaitu pangsapuri servis) atau bertaburan (tidak dikelompokkan), pengendali adalah dikehendaki untuk berdaftar di bawah ACP 2017 jika mempunyai 5 bilik penginapan atau lebih.

#### **Contoh 3**

*Seorang pengendali mengendalikan 1 premis penginapan iaitu sebuah rumah yang terletak di Putrajaya yang mempunyai 3 bilik untuk disewa. Pengendali tidak dikehendaki untuk berdaftar.*

#### **Contoh 4**

*Seorang pengendali 'homestay' mengendalikan 2 premis penginapan yang mempunyai 3 bilik setiap premis untuk disewa. Jumlah bilangan bilik yang disewa adalah 6. Pengendali adalah dikehendaki untuk mendaftar Cukai Pelancongan kecuali jika pengendali itu telah berdaftar dengan Kementerian Pelancongan dan Kebudayaan Malaysia di bawah Program Pengalaman Homestay Malaysia.*

#### **Contoh 5**

*Seorang pengendali mengendalikan 3 premis penginapan yang terletak di Penang dengan jumlah 5 bilik dan pengendali mengenakan caj atas keseluruhan rumah. Pengendali adalah dikehendaki untuk berdaftar.*

### **Contoh 6**

*Seorang pengendali mengendalikan 1 premis penginapan yang terletak di Kuching dengan jumlah 5 bilik tetapi pengendali hanya menyewakan 1 bilik. Pengendali TIDAK dikehendaki untuk berdaftar.*

### **Pengendali**

10. Istilah "pengendali" telah ditakrifkan dalam Seksyen 2 ACP 2017 sebagai mana-mana orang yang mengendalikan premis penginapan.
11. Pengendali mestilah mengendalikan atau menawarkan perkhidmatan yang sama dengan badan pengurusan pusat yang mengendalikan antara lain adalah seperti pengemasan bilik, keselamatan, tempat letak kereta dan lif khas, perakaunan (kutipan, bayaran dan pulang balik), pengendalian tempahan dan pembatalan, perabot, dll. Pengendali boleh merupakan orang yang mengenakan yuran pengurusan atas perkhidmatan yang diberikannya kepada pemilik premis penginapan atau pengendali itu sendiri boleh memiliki dan menguruskan premis penginapannya.
12. Pengendali adalah tidak termasuk mana-mana orang yang hanya menyewakan premisnya dan memungut bayaran sewa tanpa menyediakan sebarang perkhidmatan lain.

### **Contoh 7**

*Seorang warganegara Malaysia memiliki sebuah kondominium 5 bilik di Shah Alam dan beliau menyewakannya kepada seorang warganegara asing yang bekerja di Malaysia. Perjanjian sewaan adalah bagi tempoh 3 tahun. Pengendali tidak menyediakan sebarang perkhidmatan kepada penyewa tersebut. Pengendali tersebut tidak dianggap sebagai pengendali yang menyediakan premis penginapan.*

## **PENGENAAN DAN KADAR CUKAI PELANCONGAN**

13. Cukai Pelancongan adalah cukai yang dikenakan dan dilevi ke atas pelancong yang menginap di mana-mana premis penginapan yang disediakan oleh seorang pengendali dengan kadar yang ditetapkan iaitu pada RM10.00 sebilik satu malam.



Adalah menjadi kewajipan pelancong untuk membayar cukai pelancongan yang dikenakan ke atasnya.

14. Adalah menjadi tanggungjawab pengendali yang menyediakan penginapan kepada pelancong di premis penginapan untuk memungut cukai pelancongan semasa pelancong mendaftar keluar dari premis penginapan. Cukai pelancongan yang dipungut atau boleh dipungut hendaklah diakaun dan diserahkan kepada Jabatan Kastam Diraja Malaysia (JKDM).

15. Cukai pelancongan adalah dikenakan ke atas penginapan satu malam apabila kadar bilik dikenakan. Invois mestilah dikeluarkan. Bilik penggunaan harian tidak tertakluk kepada cukai pelancongan melainkan pelancong dikenakan caj kadar bilik oleh pengendali dan caj kadar bilik tersebut adalah kadar untuk satu bilik bagi satu malam.

#### **Contoh 8**

*Kadar bilik bagi satu malam di Hotel Seafront adalah RM150. Seorang pelancong menggunakan bilik selama 2 jam dan dikenakan bayaran RM50. Cukai pelancongan tidak dikenakan ke atas bayaran pada kadar RM50 kerana pengendali tidak mengenakan caj bilik RM150 untuk penginapan selama 2 jam.*

16. Tiada cukai pelancongan dikenakan ke atas daftar masuk awal dan daftar keluar lewat sekiranya tiada caj kadar bilik dikenakan. Walau bagaimanapun, penginapan malam percuma yang ditawarkan oleh pengendali kepada pelancong adalah tertakluk kepada cukai pelancongan.

#### **Contoh 9**

*Seorang pelancong ditawarkan penginapan percuma selama satu malam setelah memenangi satu cabutan bertuah. Walaupun tiada caj kadar bilik dikenakan ke atas pelancong, pengendali dikehendaki mengakaunkan cukai pelancongan ke atas penginapan percuma tersebut.*

17. Jika terdapat lebih daripada seorang pelancong yang menginap di premis yang sama pada masa yang sama dan cukai pelancongan bagi penginapan tersebut telah dibayar oleh salah seorang daripada pelancong, pelancong lain yang menginap di premis yang sama pada masa yang sama tidak bertanggungjawab untuk membayar cukai pelancongan bagi penginapan tersebut.

### **Deposit**

18. Seseorang pengendali berkemungkinan mengenakan deposit atau bayaran tempahan ke atas sesuatu tempahan penginapan. Cukai pelancongan perlu diakaunkan pada masa pelancong mendaftar keluar dan bukan pada tarikh deposit atau bayaran tempahan itu diterima.

### **Bilik Bagi Satu Malam**

19. Kiraan "malam" akan bermula apabila pelancong mendaftar masuk dan tamat apabila pelancong mendaftar keluar pada caj kadar bilik penuh sesebuah premis penginapan bagi satu malam. Sekiranya pelancong mendaftar masuk dan mendaftar keluar pada hari berikutnya, penginapan adalah dikira sebagai satu malam dengan syarat pelancong membayar pada caj kadar bilik premis penginapan untuk satu malam.

#### **Contoh 10**

*Daftar masuk* : 4 Dis 2017, 3.00 pm  
*Daftar keluar* : 6 Dis 2017, 12.00 pm  
*Tempoh penginapan* : 2 malam  
*Caj* : Kadar bilik untuk 2 malam

#### **Contoh 11**

*Daftar masuk* : 4 Dis 2017, 11.00 pm  
*Daftar keluar* : 5 Dis 2017, 2.30 am  
*Tempoh penginapan* : 1 malam  
*Caj* : Kadar bilik untuk 1 malam

**Contoh 12**

Daftar masuk : 4 Dis 2017, 5.00 pm  
Daftar keluar : 4 Dis 2017, 11.00 pm  
Tempoh penginapan : 1 malam  
Caj : Kadar bilik untuk 1 malam

**Pengiraan Cukai Pelancongan**

20. Cukai pelancongan adalah dikira seperti berikut:

**Contoh 13**

*Penginapan untuk satu bilik bagi satu malam dengan caj kadar bilik RM 500 sebilik bagi satu malam di sebuah premis penginapan berdaftar cukai pelancongan dengan cukai warisan juga dikenakan adalah dikira seperti berikut :*

<i>Caj</i>	<i>Kadar</i>	<i>Jumlah (RM)</i>
<i>Caj bilik</i>	<i>RM 500 x 1 bilik/malam</i>	<i>500.00</i>
<i>Caj perkhidmatan (10%)</i>	<i>RM 500 x 10%</i>	<i>50.00</i>
<i>Cukai Perkhidmatan (CP) (6%)</i>	<i>RM 550 x 6%</i>	<i>33.00</i>
<i>Cukai Pelancongan</i>	<i>RM 10 x 1 bilik/malam</i>	<i>10.00</i>
<i>Cukai Warisan</i>	<i>RM 2 x 1 bilik/malam</i>	<i>2.00</i>
<b><i>JUMLAH</i></b>		<b><i>595.00</i></b>

#### **Contoh 14**

*Penginapan 2 bilik untuk 3 malam dengan caj kadar bilik pada RM 75 sebilik bagi satu malam di sebuah premis penginapan berdaftar cukai pelancongan tanpa cukai warisan dikenakan adalah seperti berikut :*

<i>Caj</i>	<i>Kadar</i>	<i>Jumlah (RM)</i>
<i>Caj bilik</i>	<i>RM 75 x 2 bilik x 3 malam</i>	<i>450.00</i>
<i>Caj perkhidmatan (10%)</i>	<i>RM 450 X 10%</i>	<i>45.00</i>
<i>Cukai Perkhidmatan (SST) (6%)</i>	<i>RM 495 x 6%</i>	<i>29.70</i>
<i>Cukai Pelancongan</i>	<i>RM 10 x 2 bilik x 3 malam</i>	<i>60.00</i>
<b><i>JUMLAH</i></b>		<b><i>584.70</i></b>

#### **PERALIHAN**

21. Setiap pengendali yang mengendalikan premis penginapan sebelum 1 September 2017 adalah dikehendaki untuk mendaftar dan mengenakan cukai pelancongan kepada pelancong berdasarkan pada masa pelancong mendaftar masuk. Tempoh penginapan yang tertakluk kepada cukai pelancongan adalah bagi tempoh pada dan selepas 1 September 2017.

22. Bagi tempahan yang dibuat sebelum 1 September 2017 untuk penginapan pada atau selepas 1 September 2017, juga adalah tertakluk kepada cukai pelancongan.

23. Pelancong yang mendaftar masuk sebelum 1 September 2017 dan mendaftar keluar pada 1 September 2017 pada atau sebelum masa daftar keluar yang ditetapkan atau sebarang masa lanjutan yang dibenarkan oleh pengendali tanpa apa-apa caj, penginapan itu adalah tidak tertakluk kepada cukai pelancongan.

**Contoh 15**

Tarikh daftar masuk : 31 Ogos 2017, 11.30 malam  
Tarikh daftar keluar : 2 September 2017, 10.30 pagi  
Pelancong dikehendaki membayar cukai pelancongan bagi 1 malam.

**Contoh 16**

Tarikh daftar masuk : 31 Ogos 2017, 3.00 petang  
Tarikh daftar keluar : 31 Ogos 2017, 12.00 malam  
Pelancong tidak dikehendaki membayar cukai pelancongan.

**Contoh 17**

Tarikh daftar masuk : 31 Ogos 2017, 11.00 malam  
Tarikh daftar keluar : 1 September 2017, 5.00 pagi  
Pelancong tidak dikehendaki membayar cukai pelancongan.

**Contoh 19**

Tarikh daftar masuk : 1 September 2017, 12.30 malam  
Tarikh daftar keluar : 1 September 2017, 5.00 pagi  
Pelancong tidak dikehendaki membayar cukai pelancongan.

**Contoh 20**

Tarikh daftar masuk : 1 September 2017, 12.30 tengahari  
Tarikh daftar keluar : 2 September 2017, 6.00 petang  
(lanjutan masa dengan caj)  
Pelancong dikehendaki membayar cukai pelancongan bagi 1 malam.

**Contoh 21**

Tarikh daftar masuk : 1 September 2017, 2.30 pagi  
Tarikh daftar keluar : 2 September 2017, 12.00 tghari  
Pelancong dikehendaki membayar cukai pelancongan bagi 1 malam.

## PENGECUALIAN DARIPADA CUKAI PELANCONGAN

24. Perenggan 2 Perintah Cukai Pelancongan (Pengecualian) 2017, mengecualikan kategori pelancong berikut daripada membayar cukai pelancongan apabila menginap di mana-mana premis penginapan di Malaysia:

- a) seorang pelancong yang merupakan warganegara Malaysia (memegang kad pengenalan MyKad); dan
- b) seorang pelancong yang merupakan penduduk tetap Malaysia. (memegang kad MyPR).

25. Perenggan 3 Perintah Cukai Pelancongan (Pengecualian) 2017, mengecualikan kategori pengendali berikut daripada pendaftaran dan pengenaan cukai pelancongan:

- a) Pengendali yang mengendalikan *homestay* sebagaimana yang ditetapkan oleh Kementerian Pelancongan dan Kebudayaan Malaysia di bawah *Program Pengalaman Homestay Malaysia* dan berdaftar dengan Kementerian Pelancongan dan Kebudayaan Malaysia.
- b) Pengendali yang mengendalikan *kampungstay* sebagaimana yang ditetapkan oleh Kementerian Pelancongan dan Kebudayaan Malaysia di bawah *Program Visit My Kampung : Kampungstay* dan berdaftar dengan Kementerian Pelancongan dan Kebudayaan Malaysia.
- c) Kerajaan Persekutuan, Kerajaan Negeri atau badan berkanun, pihak berkuasa tempatan atau institusi pendidikan tinggi swasta yang berdaftar di bawah Akta Institusi Pendidikan Tinggi Swasta 1996 [Act 555] mengendalikan premis penginapan yang menyediakan penginapan kepada mana-mana orang bagi tujuan pendidikan, latihan atau kebajikan.

Antara premis penginapan berkaitan yang dikecualikan daripada pendaftaran dan pengenaan cukai pelancongan adalah seperti berikut:

- (i) Akademi Kastam Diraja Malaysia
- (ii) Lanai Kijang Bank Negara Malaysia
- (iii) Institut Latihan Dewan Bandaraya Kuala Lumpur

- (iv) HELP Residence, HELP University
  - (v) Pusat Transit Gelandangan Kuala Lumpur
- d) Majikan yang mengendalikan premis penginapan sebagai kemudahan kepada pekerjanya;

Antara premis penginapan berkaitan yang dikecualikan daripada pendaftaran dan pengenaan cukai pelancongan adalah seperti berikut:

- (i) Rumah Peranginan Persekutuan
  - (ii) Rumah Rehat Kerajaan Negeri
  - (iii) Rumah Peranginan Bank Negara Malaysia
  - (iv) Rumah Peranginan Tenaga Nasional Berhad
- e) Badan agama atau kebajikan yang diluluskan oleh Menteri, yang mengendalikan premis penginapan untuk tujuan aktiviti keagamaan atau kebajikan dan bukan untuk tujuan komersil dan berdaftar dengan Pendaftar Pertubuhan Malaysia atau di bawah mana-mana undang-undang bertulis yang mengawal selia badan itu;
- f) Pengendali premis penginapan yang mempunyai empat bilik penginapan atau kurang; dan
- g) Institusi Pendidikan Swasta yang berdaftar dibawah Akta Pendidikan 1996 yang mengendalikan premis penginapan sebagai kemudahan bagi murid institusi pendidikan swasta itu

26. Pengendali di bawah para 24(d) yang membenarkan pihak ketiga mengendalikan premis penginapan mereka di mana tempat penginapan yang disediakan adalah untuk tujuan selain daripada kemudahan untuk pekerja mereka sendiri, pengendali pihak ketiga itu adalah dikehendaki berdaftar di bawah ACP 2017.

27. Di bawah subseksyen 9(2) ACP 2017, Menteri Kewangan mempunyai kuasa untuk mengecualikan mana-mana orang daripada keseluruhan atau mana-mana peruntukan ACP 2017.

## PENDAFTARAN

28. Mana-mana pengendali yang sedang menyediakan premis penginapan dan bertanggung untuk berdaftar cukai pelancongan adalah dikehendaki mendaftar di bawah ACP 2017 sebelum 1 September 2017. Pengendali yang mula menyediakan premis penginapan pada atau selepas 1 September 2017 dan bertanggung untuk berdaftar cukai pelancongan adalah dikehendaki mendaftar dalam tempoh tiga puluh (30) hari daripada tarikh pengendali mula mengendalikan premis penginapan.

29. Permohonan hendaklah dibuat dan dikemukakan secara elektronik kepada Ketua Pengarah dalam borang TTx-01 melalui Portal MyTTx. Ketua Pengarah akan mendaftarkan pengendali yang memohon pendaftaran berkuatkuasa pada hari pertama bulan berikutnya selepas permohonan dikemukakan.

### **Contoh 22**

*Champion Chalet di Langkawi mengendalikan premis penginapan pada 3 Ogos 2017 dan perlu memohon untuk berdaftar kepada Ketua Pengarah sebelum 1 September 2017. Champion Chalet memohon pendaftaran pada 25 Ogos 2017. Ketua Pengarah akan mendaftarkan Champion Chalet dan tarikh kuatkuasa pendaftaran adalah pada 1 September 2017.*

### **Contoh 23**

*Sunshine Inn mengendalikan premis penginapan pada 6 November 2017. Oleh itu hari terakhir Sunshine Inn perlu memohon pendaftaran kepada Ketua Pengarah ialah pada 5 Disember 2017 iaitu dalam tempoh 30 hari daripada tarikh mula mengendalikan premis penginapan. Sunshine Inn memohon pendaftaran pada 3 Disember 2017. Ketua Pengarah akan mendaftar Sunshine Inn dan tarikh kuatkuasa pendaftaran adalah pada 1 Januari 2018.*

30. Ketua Pengarah mempunyai kuasa untuk mendaftar mana-mana kategori pengendali premis penginapan berikut :

- a. pengendali premis penginapan yang berdaftar di bawah seksyen 31C Akta Industri Pelancongan 1992



- b. pengendali premis penginapan yang tidak berdaftar di bawah Akta Industri Pelancongan 1992 yang masih tidak berdaftar di bawah ACP 2017 sebelum 1 September 2017.

31. Ketua Pengarah akan mendaftarkan setiap pengendali premis penginapan dan menetapkan serta mengeluarkan kepadanya:

- a) Nombor Pendaftaran Cukai Pelancongan; dan
- b) Sijil Pendaftaran sebagai Pengendali Premis Penginapan Cukai Pelancongan.

32. Pengendali hendaklah mempamer sijil pendaftaran cukai pelancongan bagi setiap premis di tempat yang mudah dilihat di mana premis penginapan disediakan.

33. Pengendali dikehendaki memaklumkan dengan segera secara bertulis kepada pegawai kanan kastam di stesen kastam yang mengawal premis penginapan jika terdapat perubahan dalam perkara-perkara berikut menurut subperaturan 5(1) Peraturan-peraturan Cukai Pelancongan 2017:

- a) nama perniagaan
- b) alamat mana-mana tempat perniagaan
- c) taraf perniagaan
- d) pengelasan premis penginapan; atau
- e) bilangan bilik di premis penginapan

34. Pengendali dibenarkan membuat pindaan secara atas talian di portal MyTTx untuk perubahan maklumat selain daripada yang dinyatakan di para 32 di atas.

35. Mana-mana pengendali yang telah berhenti mengendalikan premis perniagaan atau mendapat pengecualian daripada Menteri di bawah subseksyen 9(2) ACP 2017 hendaklah memaklumkan kepada Ketua Pengarah secara bertulis melalui stesen kastam yang mengawal premis penginapan dalam tempoh tiga puluh (30) hari daripada tarikh pemberhentian atau kuatkuasa pengecualian itu.

36. Pengendali yang lewat mendaftar cukai pelancongan akan ditaksir jumlah cukai pelancongan yang kena dibayar daripada tarikh dia sepatutnya didaftarkan. JKDM akan memaklumkan kepada pengendali secara bertulis tentang jumlah pentaksiran dan ianya boleh termasuk apa-apa penalti yang kena dibayar dan perlu dibayar olehnya. Di samping itu, pengendali juga boleh ditawarkan kompaun atas kesalahan tidak mendaftar dalam tempoh yang ditetapkan.

#### **Contoh 24**

*Seorang pengendali bertanggung untuk berdaftar sebelum 1 Februari 2018 dan sepatutnya didaftarkan pada 1 Mac 2018. Walau bagaimanapun, pengendali membuat permohonan pada 3 Jun 2018 dan tarikh kuatkuasa pendaftaran bermula pada 1 Julai 2018. Oleh itu, cukai pelancongan dan penalti yang kena dibayar dan perlu dibayar olehnya akan ditaksir dan dikenakan bermula pada 1 Mac 2018 sehingga 30 Jun 2018. Pengendali boleh dikompaun atas kesalahan lewat daftar yang telah dilakukan.*

### **INVOIS, REKOD, PENYATA DAN TAKSIRAN**

37. Bahagian ini menerangkan jenis-jenis rekod yang perlu disimpan yang berkaitan dengan transaksi yang dibuat atau diterima sebagai seorang pengendali premis penginapan yang berdaftar di bawah ACP 2017.

#### **Invois**

38. Setiap pengendali dikehendaki mengeluarkan invois, resit atau dokumen lain dalam tempoh tiga puluh (30) hari dari tarikh penginapan itu diberikan atau apa-apa tempoh lanjutan sebagaimana yang diluluskan oleh Ketua Pengarah.

39. Invois, resit atau dokumen lain hendaklah dikeluarkan dalam Bahasa Kebangsaan atau Bahasa Inggeris kepada pelancong berkaitan penginapan yang disediakan dan hendaklah menyatakan kadar dan amaun cukai pelancongan sepatutnya dibayar secara berasingan daripada caj penginapan yang dikenakan oleh pengendali. Dokumen lain termasuk pesanan tempatan, sebut harga dan penyata akaun.

### **Contoh 25**

*Aleta dan Arabella adalah warga negara Singapura. Mereka menghadiri mesyuarat di Langkawi dan menginap di bilik katil berkembar di sebuah hotel selama 5 hari 4 malam. Bilik ini didaftarkan di bawah nama Arabella. Setelah mendaftar keluar, hotel perlu mengeluarkan invois dan mengenakan cukai pelancongan sebanyak RM40 kepada Arabella. Hotel ini tidak dibenarkan membahagi jumlah cukai pelancongan kepada Aleta dan Arabella dalam invois yang berbeza untuk penginapan yang sama kerana cukai pelancongan dikenakan adalah berdasarkan bilangan bilik per malam dan bukan berdasarkan bilangan penghuni bilik.*

40. Mana-mana orang selain daripada pengendali yang berdaftar di bawah ACP 2017 tidak dibenarkan untuk mengeluarkan suatu invois, resit atau dokumen lain yang menunjukkan amaun berupa cukai pelancongan.

41. Bagi pelancong yang mendapat pengecualian daripada dikenakan cukai pelancongan, pengendali dinasihatkan untuk menyatakan dalam invois nombor rujukan pengecualian dan alasan kerana tidak mengenakan cukai pelancongan bagi memudahkan pengendali sekiranya diaudit oleh JKDM.

42. Pengendali dianggap telah mengeluarkan suatu invois, resit dan dokumen lain kepada pelancong sekiranya butiran yang diperlukan telah direkod dalam komputer dan dihantar atau tersedia kepada pelancong secara elektronik atau dikeluarkan atas apa-apa bahan dan diserahkan kepada pelancong.

43. Antara butiran yang perlu dinyatakan dalam invois, resit atau dokumen lain kepada pelancong adalah seperti berikut:

- a) nombor siri invois;
- b) tarikh invois;
- c) nama dan alamat pengendali serta no. sijil pendaftaran cukai pelancongan;
- d) nama dan alamat orang yang menginap di premis penginapan yang disediakan; dan
- e) kadar dan jumlah cukai pelancongan kena dibayar, secara berasingan daripada caj bayaran bilik untuk penginapan yang disediakan oleh pengendali.

44. Butir-butir tambahan yang diperlukan dalam invoice cukai bagi pengendali yang berdaftar dengan SST adalah seperti berikut:

- a) No. pendaftaran cukai pelancongan pengendali; dan
- b) kadar dan jumlah cukai pelancongan kena dibayar, secara berasingan daripada bayaran untuk penginapan yang disediakan oleh pengendali.

45. Contoh invoice boleh dilihat di **LAMPIRAN 1**.

### **Nota Kredit dan Nota Debit**

46. Jika pengendali mengeluarkan nota kredit atau nota debit atas sebab perubahan dalam pengenaan cukai pelancongan atau atas sebab pelarasan dalam transaksi perniagaan, pelarasan perlu dibuat oleh pengendali dalam penyata TTx-03 seperti yang diperuntukkan di bawah Seksyen 16 ACP 2017 dan Peraturan 7 Peraturan-peraturan Cukai Pelancongan 2017. Pelarasan hendaklah dibuat dalam tempoh bercukai di mana nota kredit atau nota debit itu dikeluarkan.

47. Apabila pengendali telah berhenti menjadi orang berdaftar di bawah ACP 2017, pengendali hendaklah membuat pelarasan dalam penyata TTx-03 bagi tempoh bercukai terakhir semasa dia menjadi pengendali berdaftar.

48. Pengendali hendaklah mengemukakan dokumen sokongan seperti baucer pembayaran sebagai bukti bahawa dia telah mengeluarkan nota kredit dan mengembalikan atau membayar balik amaun cukai pelancongan kepada pelancong berkenaan.

49. Nota kredit atau nota debit perlu mengandungi butir-butir berikut:

- a) perkataan "nota kredit" atau "nota debit" di tempat yang mudah dilihat;
- b) nombor siri nota dan tarikh dikeluarkan;
- c) nama dan alamat orang yang menginap di premis penginapan disediakan;
- d) sebab nota dikeluarkan;
- e) bilangan hari/malam penginapan yang dibuat pelarasan;
- f) jumlah tidak termasuk cukai pelancongan;
- g) kadar dan amaun cukai pelancongan; dan

h) no. dan tarikh invoice asal

### Penyimpanan Rekod

50. Adalah menjadi kewajipan bagi pengendali untuk menyimpan rekod perakaunan dan apa-apa rekod yang berkaitan dengan cukai pelancongan selama tujuh (7) tahun dalam Bahasa Kebangsaan atau Bahasa Inggeris. Rekod tersebut hendaklah disimpan di Malaysia melainkan jika diluluskan oleh Ketua Pengarah untuk rekod tersebut disimpan di negara lain selain daripada Malaysia.


51. Jika rekod disimpan secara elektronik, rekod itu mestilah boleh dicapai dan mudah diubah ke dalam bentuk bertulis. Sekiranya rekod pada mulanya disimpan dalam bentuk manual tetapi kemudiannya diubah ke dalam bentuk elektronik, rekod tersebut hendaklah kekalkan dalam bentuk asal sebelum ianya diubah.

### Tempoh Bercukai

52. Setiap pengendali akan diberikan tempoh bercukai di mana beliau dikehendaki untuk mengakaunkan cukai pelancongan dalam penyata TTx-03 yang perlu dikemukakan kepada Ketua Pengarah secara berkala.

#### Contoh 26

*Ilustrasi pengemukaan penyata TTx-03 bagi seorang pengendali mempunyai tempoh bercukai setiap 3 bulan ;*



53. Dibawah seksyen 18 ACP 2017, Ketua Pengarah mempunyai kuasa untuk mengubah tempoh bercukai sebagaimana yang dimohon oleh pengendali. Walaubagaimanapun, Ketua Pengarah boleh, sebagaimana yang difikirkan patut, menetapkan semula apa-apa tempoh bercukai lain untuk pengendali itu.

54. Pengendali yang berdaftar di bawah Akta Cukai Barang dan Perkhidmatan 2014 boleh dipertimbangkan untuk diberikan tempoh bercukai yang sama bagi maksud Akta Cukai Pelancongan 2017.

## **PERAKAUNAN CUKAI PELANCONGAN**

### **Penyata dan Pembayaran Cukai Pelancongan**

55. Setiap pengendali dikehendaki mengakaunkan cukai pelancongan yang diterima dalam penyata bagi setiap tempoh bercukai dengan menggunakan penyata TTx-03 dan hendaklah dikemukakan kepada Ketua Pengarah tidak lewat daripada hari terakhir bulan berikutnya selepas berakhirnya tempoh bercukai yang berhubungan dengan penyata itu.

56. Jika pengendali tidak menerima kesemua atau mana-mana bahagian cukai pelancongan daripada seseorang pelancong dalam tempoh dua belas bulan kalendar dari tarikh invoice bagi penginapan yang disediakan, beliau perlu mengakaunkan cukai pelancongan berkenaan dalam penyata TTx-03 bagi tempoh bercukai berikutnya selepas tarikh akhir tempoh dua belas (12) bulan kalendar.

### **Contoh 27**

Seorang pengendali telah mengeluarkan Invois pada 15 September 2017 kepada pelancong tanpa menerima bayaran cukai pelancongan. Pengendali tersebut perlu mendapatkan bayaran cukai berkenaan dalam tempoh 12 bulan kalendar yang berakhir pada 15 Ogos 2018. Sekiranya pengendali gagal mendapatkan bayaran cukai pelancongan tersebut dalam tempoh yang ditetapkan, pengendali dikehendaki mengakaunkan cukai pelancongan berkenaan dalam penyata TTx-03 bagi tempoh bercukai September 2018.



57. Pengendali yang telah berhenti menjadi orang berdaftar, beliau perlu mengemukakan penyata TTx-03 dalam tempoh bercukai terakhir tidak lewat daripada tiga puluh (30) hari selepas pendaftarannya terhenti.

58. Pengendali dikehendaki mengemukakan penyata dan membuat bayaran cukai pelancongan kena dibayar berkenaan dengan tempoh bercukai yang berkaitan penyata itu kepada Ketua Pengarah tidak lewat daripada hari terakhir di mana pengendali dikehendaki mengemukakan penyata.

59. Jika pengendali tidak menerima apa-apa bayaran cukai pelancongan semasa tempoh bercukai, beliau masih perlu untuk mengemukakan penyata TTx-03 (*nil return*) kepada Ketua Pengarah.

### **Pembetulan kesilapan**

60. Jika terdapat pembetulan kesilapan dibuat dalam mana-mana penyata TTx-03 yang telah dikemukakan, pengendali boleh:

- a) jika pembedulan berkaitan dengan penyata semasa di mana ia masih dalam tempoh serahan, pembedulan hendaklah dibuat dalam penyata semasa dan dikemukakan semula dalam tempoh yang sama.

**Contoh 28**

**Penyata Semasa:**

<i>Tempoh bercukai</i>	<i>1 Jan 2018 – 31 Mac 2018</i>
<i>Tarikh akhir hantar penyata</i>	<i>30 Apr 2018</i>
<i>Hantar penyata</i>	<i>20 Apr 2018</i>
<i>Pembedulan atas penyata semasa</i>	<i>28 Apr 2018</i>

- b) Jika pembedulan berkaitan dengan penyata sebelumnya yang telah dikemukakan, pembedulan hendaklah dibuat dalam penyata berkenaan dengan nombor rujukan tambahan yang dijana oleh sistem.

**Contoh 29**

**Penyata sebelum yang berkaitan:**

<i>Tempoh bercukai</i>	<i>1 Okt 2017 – 31 Dis 2017</i>
<i>Tarikh akhir hantar penyata</i>	<i>31 Jan 2018</i>
<i>Kesilapan dikesan atas penyata sebelum pembedulan dalam penyata baru</i>	<i>8 Feb 2018</i>

**Cara Penghantaran Penyata dan Pembayaran**

61. Pengendali perlu mengemukakan penyata TTx-03 melalui pos, perkhidmatan kurier atau perkhidmatan elektronik kepada Ketua Pengarah. Penyata yang dikemukakan melalui pos atau kurier hendaklah dihantar ke alamat berikut:

**Pusat Pemprosesan Kastam (CPC)**

Jabatan Kastam Diraja Malaysia,  
Kompleks Kastam WPKL,  
22, Jalan SS 6/3 Kelana Jaya,  
47301 Petaling Jaya,  
Selangor Darul Ehsan.



62. Penyata dianggap telah dikemukakan:

- a) Jika penyerahan melalui pos pada tarikh cop pos;
- b) Jika penyerahan melalui kurier, pada tarikh nombor jejak (*tracking number*) direkodkan dalam sistem syarikat perkhidmatan kurier; atau
- c) Jika penyerahan secara perkhidmatan elektronik apabila penyata itu telah diterima secara elektronik oleh Ketua Pengarah.

63. Pembayaran cukai pelancongan dan apa-apa penalti yang kena dibayar boleh dibuat melalui pos, perkhidmatan kurier (cek atau bank draf sahaja) atau perkhidmatan elektronik kepada Ketua Pengarah. Cukai pelancongan atau penalti (jika ada) dianggap telah dibayar apabila pembayaran diterima oleh Ketua Pengarah dengan syarat:

- a) apabila bayaran dibuat melalui cek atau bank draf amaun tersebut dianggap diterima oleh Ketua Pengarah apabila bayaran dilunaskan;
- b) apabila bayaran dibuat melalui bank amaun dianggap diterima oleh Ketua Pengarah apabila amaun itu dikreditkan ke dalam akaun Ketua Pengarah.

64. Bayaran tunai atau bayaran melalui cek atau bank draf yang dibuat secara sendiri tidak dibenarkan.

65. Pengendali digalakkan untuk membuat bayaran awal bagi membolehkan masa yang mencukupi untuk menjelaskan cek dan seterusnya untuk mengelakkan pengenaan penalti kerana pembayaran lewat.

66. Jika cukai pelancongan genap masa dan kena dibayar tidak dibayar keseluruhannya atau sebahagiannya oleh mana-mana pengendali selepas hari terakhir di mana ia kena dibayar dan tiada pendakwaan dimulakan, pengendali dikehendaki membayar:-

- a) untuk tempoh tiga puluh (30) hari pertama cukai pelancongan tidak dibayar sepenuhnya atau sebahagiannya selepas tamat tempoh tersebut, penalti sebanyak sepuluh (10) peratus daripada amaun cukai pelancongan yang masih belum dibayar;

- b) untuk tempoh tiga puluh (30) hari yang kedua cukai pelancongan tidak dibayar sepenuhnya atau sebahagiannya selepas tamat tempoh tersebut, penalti tambahan sebanyak sepuluh (10) peratus daripada amaun cukai pelancongan yang masih belum dibayar; dan
- c) untuk tempoh tiga puluh (30) hari yang ketiga cukai pelancongan tidak dibayar sepenuhnya atau sebahagiannya selepas tamat tempoh itu, dan penalti tambahan sebanyak sepuluh (10) peratus daripada amaun cukai pelancongan yang masih belum dibayar.

### **Contoh 30**

*Roman Hotel Sdn.Bhd. adalah pengendali yang berdaftar di bawah Akta Cukai Pelancongan 2017 dan telah diberikan tempoh bercukai pertama pada 1 Jan 2018 - 31 Mac 2018. Dia telah membayar cukai pelancongan pertama sebanyak RM10,000 pada 20 Mei 2018. Dia tertakluk kepada penalti seperti berikut:*

<i>Tarikh akhir cukai pelancongan kena dibayar</i>	<i>30 Apr 2018</i>
<i>Bilangan hari bayaran lewat</i>	<i>20 hari</i>
<i>Penalti dikenakan (RM10,000 x 10%)</i>	<i>RM 1,000</i>

### **Contoh 31**

*Home Hotel Sdn. Bhd. adalah pengendali yang berdaftar di bawah Akta Cukai Pelancongan 2017 dan gagal membayar cukai pelancongan sebanyak RM15,000 bagi tempoh bercukai 1 Apr 2018 - 30 Jun 2018. Dia kemudiannya membayar RM10,000 pada 15 Okt 2018 dan bakinya pada 7 Disember 2018. Beliau adalah tertakluk kepada penalti seperti berikut:*

<i>Tarikh akhir cukai pelancongan kena dibayar</i>	<i>31 Julai 2018</i>
<i>Bayaran lewat atas RM15,000</i>	<i>76 hari</i>
<i>Penalti dikenakan (RM15,000 x 30%)</i>	<i>RM 4,500</i>
<i>Bayaran lewat atas RM5,000</i>	<i>129 hari</i>
<i>Penalti dikenakan atas baki (RM5,000 x 30%)</i>	<i>RM1,500</i>
<b><i>Jumlah Penalti</i></b>	<b><i>RM 6,000</i></b>

## **PEREMITAN, PEMBAYARAN BALIK DAN MENDAPATKAN BALIK**

67. ACP 2017 memperuntukkan remitan, bayaran balik dan mendapatkan balik di bawah seksyen berikut :-

- a) Remisi di bawah seksyen 21 ACP 2017. Jika seseorang yang telah diberi peremitan di bawah seksyen 21 telah membayar apa-apa cukai pelancongan, penalti, surcaj atau wang lain berhubungan dengan peremitan itu, tuntutan boleh dibuat dalam borang TTx-04 dan bayaran balik akan dibuat dalam masa yang sesuai dari tarikh permohonan.
- b) Bayaran balik cukai pelancongan dsb., terlebih bayar atau silap bayar di bawah seksyen 22 ACP 2017.
- c) Bayaran balik hutang lapuk di bawah seksyen 23 ACP 2017.

68. Mana-mana pengendali yang ingin membuat permohonan remisi hendaklah menghantar permohonan tersebut secara bertulis kepada pegawai kanan Kastam di stesen kastam yang mengawal premis penginapan pengendali.

### **Penolakan Daripada Penyata Cukai Pelancongan Yang Dibayar Balik**

69. Seksyen 24 ACP 2017 memperuntukkan seseorang pengendali boleh memohon kepada Ketua Pengarah untuk menolak daripada penyatanya jumlah cukai pelancongan yang telah dibayar tetapi kemudiannya dipulangkan balik kepada pelancong dalam tempoh satu tahun atau apa-apa tempoh lanjutan selepas pembayaran balik itu dibuat, atas alasan-

- a) pembatalan penginapan; atau
- b) apa-apa sebab lain yang diluluskan oleh Ketua Pengarah.

### **Pembayaran Secara Ansuran**

70. Pengendali boleh memohon kepada Ketua Pengarah untuk membayar jumlah tertunggak cukai pelancongan atau penalti secara ansuran sekiranya pembayaran itu akan menyebabkan kesukaran kewangan yang tidak wajar kepada pengendali atau

dalam keadaan lain yang diluluskan oleh Ketua Pengarah. Jika cukai pelancongan dibenarkan dibayar secara ansuran, penalti akan terhenti dikira dari tarikh Ketua Pengarah membenarkan pembayaran secara ansuran.

71. Jika berlaku kegagalan dalam pembayaran bagi mana-mana satu ansuran pada tarikh genap masanya untuk bayaran baki amaun yang kena dibayar, kesemua amaun yang tertunggak hendaklah menjadi genap masa dan kena dibayar pada tarikh itu dan hendaklah, tanpa apa-apa notis selanjutnya disampaikan kepada orang yang bertanggung untuk membayar amaun yang kena dibayar, tertakluk kepada surcaj yang bersamaan dengan sepuluh (10) peratus daripada baki itu dan surcaj itu hendaklah boleh didapatkan seolah-olah ia genap masa dan kena dibayar.

72. Mana-mana pengendali yang ingin membuat permohonan ansuran hendaklah menghantar permohonan tersebut secara bertulis kepada pegawai kanan Kastam di Cawangan Akaun Belum Terima, stesen kastam yang mengawal premis penginapan pengendali.

### **KESALAHAN-KESALAHAN BOLEH DIKOMPAN**

73. Seksyen 56 ACP 2017 memperuntukkan Ketua Pengarah boleh mengkompan dengan suatu amaun yang tidak melebihi lima puluh peratus (50%) daripada nilai maksimum denda mahkamah bagi kesalahan berikut:

<b>BIL</b>	<b>SEKSYEN</b>	<b>KESALAHAN</b>	<b>DENDA MAKSIMUM</b>	<b>KOMPAN MAKSIMUM</b>
1	10(3)	Pengendali yang gagal untuk berdaftar di bawah seksyen 10(1)	RM30,000	RM15,000
2	11(2)	Pengendali yang mengendalikan premis penginapan gagal untuk berdaftar dalam tempoh 30 hari dari tarikh perlaksanaan Bahagian IV Akta Cukai Pelancongan 2017	RM30,000	RM15,000
3		Mana-mana orang yang gagal mematuhi seksyen 14(1) dan (2) iaitu;	RM30,000	RM15,000

BIL	SEKSYEN	KESALAHAN	DENDA MAKSIMUM	KOMPAUN MAKSIMUM
	14(3)	<ul style="list-style-type: none"> <li>Setiap pengendali hendaklah mengeluarkan invois, resit atau dokumen lain kepada pelancong dan mengasingkan kadar dan amaun cukai pelancongan dari caj penginapan yang disediakan oleh pengendali;</li> <li>Mana-mana orang yang bukan pengendali tidak boleh mengeluarkan invois, resit atau dokumen lain yang berupa cukai pelancongan.</li> </ul>		
4	17(5)	Mana-mana orang yang gagal mematuhi kehendak penyimpanan rekod di bawah seksyen 17	RM30,000	RM15,000
5	19(6)	Mana-mana pengendali yang gagal mengemukakan penyata di bawah seksyen 19(1), (2) dan (3)	RM30,000	RM15,000
6	19(7)	Mana-mana pengendali yang gagal membayar cukai pelancongan dalam tempoh yang ditetapkan	RM30,000	RM15,000
7	33(4)	Mana-mana orang yang enggan membenarkan pegawai kanan kastam untuk memasuki mana-mana tempat atau premis	RM 30,000	RM15,000
8	40	Mana-mana orang yang membuat penyata yang tidak betul atau memberi maklumat yang tidak betul	RM 30,000	RM15,000
9	41(2)	Mana-mana orang yang tidak layak memungut tetapi memungut cukai pelancongan	RM 30,000	RM15,000
10	42(1)	Mana-mana orang yang berniat untuk mengelak atau membantu	RM 30,000	RM15,000

BIL	SEKSYEN	KESALAHAN	DENDA MAKSIMUM	KOMPAUN MAKSIMUM
		orang lain mengelak cukai pelancongan		
11	43(1)	Mana-mana orang yang enggan memberi maklumat kepada pegawai Kastam	RM 30,000	RM15,000
12	44	Mana-mana orang yang cuba melakukan kesalahan atau bersubahat dalam perlakuan kesalahan	Dihukum mengikut hukuman yang diperuntukkan bagi kesalahan itu	RM15,000
13	45	Kesalahan yang tidak diperuntukkan secara nyata	RM 30,000	RM15,000
14	60(4)	Mana-mana orang yang gagal mematuhi kehendak untuk memberi maklumat, buku, data, dokumen atau rekod lain di bawah seksyen 60	RM 30,000	RM15,000
15	66(3)	Mana-mana orang yang menggunakan borang yang tidak dicetak atau dikeluarkan dengan kuasa Ketua Pengarah di bawah seksyen 60(1)	RM 30,000	RM15,000
16	68(3)	Mana-mana pelikuidasi yang gagal memberi notis penggulungan di bawah seksyen 68(1)	RM 30,000	RM15,000
17	69(3)	Mana-mana penerima yang dilantik oleh pengendali gagal memberi notis kepada Ketua Pengarah berkaitan pelantikan sebagai penerima dan pengasingan jumlah wang dari pelupusan aset.	RM 30,000	RM15,000

## **PERTANYAAN**

Sebarang pertanyaan berkaitan panduan ini sila berhubung:

Bahagian Cukai Dalam Negeri (SST)  
Jabatan Kastam Diraja Malaysia  
Aras 5, Blok A, Menara Tulus,  
No. 22, Persiaran Perdana, Presint 3,  
62100 Putrajaya.

## **BANTUAN DAN INFORMASI BERKAITAN CUKAI PELANCONGAN**

Informasi selanjutnya boleh didapati di:

- a) Laman web cukai pelancongan : [www.myttx.customs.gov.my](http://www.myttx.customs.gov.my)
- b) Emel : [enquiry.tourismtax@customs.gov.my](mailto:enquiry.tourismtax@customs.gov.my)
- c) Pusat Panggilan Kastam : Tel : 03-7806 7200 / 1-300-888-500  
Fax : 03-7806 7599  
E-mail : [ccc@customs.gov.my](mailto:ccc@customs.gov.my)

## SOALAN-SOALAN LAZIM

**S1: Adakah cukai pelancongan mengatasi caj warisan bagi setiap bilik yang diinap setiap hari?**

J1: Tidak, pengendali masih dikehendaki mengenakan cukai pelancongan walaupun caj warisan telah dikenakan.

**S2: Seorang rakyat Malaysia (tempatan) dan warga asing mendaftar masuk ke bilik yang sama dan warga tempatan yang membuat pendaftaran masuk. Semasa mendaftar keluar, warga tempatan yang membuat bayaran penginapan. Adakah cukai pelancongan dikenakan?**

J2: Tidak tertakluk kepada cukai pelancongan kerana warga tempatan yang mendaftar dan menginap di dalam bilik itu. Walau bagaimanapun, di bawah perkiraan perkongsian berkembar, sekiranya warga asing membuat pendaftaran semasa mendaftar masuk, maka penginapan itu akan dikenakan cukai pelancongan sebanyak RM10 sebilik untuk setiap malam.

**S3: Seorang warga tempatan dan seorang warga asing mendaftar masuk ke bilik yang sama dan warga asing yang membuat pendaftaran masuk. Semasa mendaftar keluar, warga asing yang membuat bayaran penginapan. Adakah cukai pelancongan dikenakan?**

J3: Ya, tertakluk kepada cukai pelancongan kerana warga asing menginap dan membayar penginapan tersebut.

**S4: Seorang pelancong tempatan dan seorang pelancong asing mendaftar masuk ke bilik yang sama dan warga asing yang membuat pendaftaran masuk. Semasa mendaftar keluar, warga tempatan yang membuat bayaran penginapan. Adakah cukai pelancongan dikenakan?**

J4: Ya, tertakluk kepada cukai pelancongan kerana bilik didaftarkan atas nama pelancong asing.

**S5: Bilik eksekutif di sebuah hotel butik menyediakan penginapan percuma selama 6 jam dari waktu daftar keluar sebagai amalan hotel. Adakah tempoh lanjutan 6 jam tertakluk kepada cukai pelancongan?**



- J5: Tidak tertakluk kepada cukai pelancongan bagi lanjutan penginapan percuma.
- S6: Adakah penggunaan harian dikenakan cukai pelancongan?**
- J6: Tidak tertakluk kepada cukai pelancongan jika caj penggunaan harian tidak sama dengan kadar harga bilik untuk satu malam.
- S7: Adakah pengendali yang mengenakan caj mengikut jam bagi penginapan di premis penginapannya perlu mengenakan cukai pelancongan?**
- J7: Tidak, dia tidak perlu mengenakan cukai pelancongan.
- S8: Jika diskaun diberikan oleh pengendali hotel bagi caj bilik, apakah diskaun itu mempengaruhi kadar cukai pelancongan?**
- J8: Tidak, kadar cukai pelancongan masih tetap RM10.00 sebilik.
- S9: Seorang tetamu membuat tempahan di sebuah hotel selama 10 malam tetapi sebenarnya tinggal selama 5 malam sahaja. Berapakah jumlah cukai pelancongan yang dikenakan?**
- J9: Jumlah cukai pelancongan adalah untuk 5 malam iaitu RM 50.00.
- S10: Adakah cukai pelancongan dikenakan ke atas warga asing yang merupakan pekerja syarikat asing (syarikat induk) yang menginap di sebuah hotel di Malaysia (anak syarikat yang terletak di Malaysia)?**
- J10: Ya, tertakluk kepada cukai pelancongan.
- S11: Adakah cukai pelancongan dikenakan bagi penginapan di mana warga asing mendaftar masuk pada 31 Ogos 2017 jam 2 petang dan mendaftar keluar pada 1 Sept 2017 jam 00.50?**
- J11: Tidak tertakluk kepada cukai pelancongan.
- S12: Warga asing telah menempah dan membuat pembayaran bagi 5 malam penginapan di Hotel Yong dari 1/10/17 hingga 6/10/17. Kemudiannya, warga asing itu gagal menginap selama tempoh tersebut. Pengendali mengenakan penalti berjumlah satu malam menginap. Baki pembayaran yang dibuat untuk 4 malam dikembalikan kepada warga asing itu. Dalam**

**senario ini, adakah cukai pelancongan dikenakan atas 'caj tidak hadir' 1 malam atau 5 malam?**

J12: Tiada cukai pelancongan dikenakan kerana pelancong tidak menginap di hotel itu.

**S13: Pakej pelancongan saya kepada pelancong asing termasuk penginapan di Hotel Maya, makanan dan lawatan ke taman tema hotel. Adakah cukai pelancongan dikenakan ke atas pakej pelancongan itu?**

J13: Cukai Pelancongan hanya dikenakan ke atas penginapan mengikut bilangan malam pelancong menginap di premis penginapan.

**S14: Adakah pengenaan cukai pelancongan sukarela atau wajib?**

J14: Pengenaan cukai pelancongan adalah wajib.

**S15: Jika pelancong asing menginap di sebuah bilik di motel atau rumah penginapan lain (tidak termasuk premis penginapan dikecualikan) dan penginapan itu adalah untuk tempoh 30 hari atau lebih, adakah penginapan itu tertakluk kepada cukai pelancongan?**

J15: Penginapan untuk tempoh 30 hari atau lebih adalah tertakluk kepada cukai pelancongan.

**S16: Adakah Cukai Pelancongan dikenakan ke atas sewa bilik yang ditempah melalui ejen dalam talian atau pihak ketiga?**

J16: Apabila pelancong menginap di premis penginapan yang diatur melalui ejen dalam talian atau pihak ketiga, dia dikehendaki membayar cukai pelancongan semasa mendaftar keluar.

**S17: Siapakah yang bertanggungjawab untuk mengakaunkan cukai pelancongan dalam transaksi tempahan atas talian?**

J17: Pengendali yang mengendalikan premis penginapan bertanggungjawab untuk mengakaunkan cukai pelancongan.

**S18: Adakah cukai pelancongan dikenakan ke atas "caj tidak hadir" walaupun caj itu dilucut hak oleh pengendali premis penginapan?**

J18: Cukai pelancongan hanya dikenakan apabila pelancong menginap di mana-mana premis penginapan. Oleh itu, "caj tidak hadir" tidak tertakluk kepada cukai pelancongan. Walaubagaimanapun sekiranya cukai pelancongan telah dikenakan dan tidak dikembalikan kepada pelancong, pengendali hendaklah mengakaunkan cukai pelancongan yang telah dikutip.

**S19: Adakah Cukai Pelancongan dikenakan ke atas sewaan bankuet / dewan tari / bilik mesyuarat?**

J19: Cukai pelancongan tidak dikenakan ke atas sewaan bankuet / dewan tari / bilik mesyuarat.

**S20: Adakah kelab persendirian yang menyediakan tempat penginapan tertakluk kepada cukai pelancongan?**

J20: Jika pengendali yang mengendalikan premis penginapan mempunyai 5 bilik atau lebih di kelab itu, pengendali itu adalah bertanggungjawab untuk mendaftar dan mengenakan cukai pelancongan kepada pelancong yang menginap di kelab tersebut.

**S21: Adakah penyediaan penginapan oleh pengendali yang mengendalikan hotel 4 bintang kepada pegawai kerajaan atau badan-badan kebajikan, sama ada atas urusan rasmi atau tidak tertakluk kepada cukai pelancongan?**

J21: Penyediaan tempat penginapan oleh pengendali kepada pegawai kerajaan atau pertubuhan amal adalah tidak tertakluk kepada cukai pelancongan jika mereka merupakan rakyat Malaysia atau pemastautin tetap di Malaysia.

**S22: Adakah terdapat nilai ambang untuk bayaran sewa bilik yang tidak tertakluk kepada cukai pelancongan?**

J22: Tidak, cukai pelancongan dikenakan tanpa mengira nilai sewaan bilik.

**S23: Adakah penyediaan penginapan luar seperti perkhemahan laman van, karavan, rumah bot, marina, tapak perkhemahan dan kapal rekreasi tertakluk kepada cukai pelancongan?**

J23: Penyediaan premis penginapan luar seperti disebutkan di atas adalah tertakluk kepada cukai pelancongan sekiranya menepati syarat yang ditetapkan oleh Akta Industri Pelancongan 1992.

**S24: Apakah penyediaan penginapan di hotel apartment tertakluk kepada cukai pelancongan?**

J24: Penyediaan penginapan di hotel apartmen adalah tertakluk kepada cukai pelancongan.

**S25: En. Kim Jun dari Korea dan keluarganya seramai empat orang membuat perjalanan ke Pulau Pinang dan menginap selama dua minggu di sebuah hotel empat bintang dan menduduki 2 bilik. Adakah cukai pelancongan dikenakan ke atas semua 4 ahli keluarga atau dikenakan ke atas 2 bilik untuk sepanjang tempoh itu?**

J25: Cukai pelancongan dikenakan atas kadar RM10 bagi setiap bilik setiap malam. Oleh itu, cukai pelancongan untuk 2 bilik bagi penginapan dua minggu ialah  $RM10 \times 2 \text{ bilik} \times 14 \text{ malam} = RM 280$ .

**S26: Adakah tetamu atau pelawat warga asing yang berusia lebih 18 tahun tinggal semalaman dikehendaki membayar cukai pelancongan?**

J26: Cukai pelancongan dikenakan ke atas bilik bagi setiap malam dan bukan ke atas orang bagi setiap malam serta faktor usia tidak diambilkira.

**S27: Saya seorang pengendali hotel 4 bintang di Labuan dan penginapan tetamu warga asing saya adalah untuk tempoh enam bulan. Bilakah saya perlu mengakaunkan cukai pelancongan?**

J27: Anda perlu mengakaunkan cukai pelancongan semasa tetamu mendaftar keluar. Walau bagaimanapun, jika terdapat bayaran berkala atau separa untuk bayaran bilik semasa tempoh tersebut, pelancong dikehendaki membayar cukai pelancongan yang terlibat berdasarkan bayaran bilik yang diinap dalam tempoh berkaitan.

**S28: Jika pelancong asing diberi lanjutan tempoh penginapan di sebuah hotel selepas masa daftar keluar sehingga jam 7 malam pada hari yang sama dan dikenakan kadar bilik penuh, adakah pelancong itu dikehendaki untuk membayar cukai pelancongan untuk satu malam lagi?**

J28: Pelancong itu dikehendaki membayar cukai pelancongan untuk lanjutan tempoh penginapan sekiranya kadar bilik penuh dikenakan.

**S29: Saya seorang perunding asing dengan permit kerja Malaysia yang berurusan dengan pengendali resort untuk mengawasi pembangunan projek di resort tersebut. Pengendali resort menyediakan penginapan untuk saya di resortnya. Adakah saya perlu membayar cukai pelancongan?**

J29: Anda tidak akan dianggap sebagai pelancong yang menginap di resort dan penginapan anda akan tidak tertakluk kepada cukai pelancongan sekiranya anda mengemukakan kad permit kerja yang sah semasa mendaftar di resort.

**S30: Hotel XYZ mempunyai perjanjian kontrak dengan JETLI Airlines untuk menyediakan penginapan kepada penumpang mereka apabila terdapat kelewatan penerbangan yang disebabkan oleh isu teknikal. JETLI Airlines akan menanggung kos caj bilik bagi penumpang dalam transit. Adakah Hotel XYZ perlu mengenakan cukai pelancongan kepada JETLI Airlines bagi penginapan yang disediakan kepada penumpang warga asing mereka?**

J30: Hotel XYZ perlu mengenakan cukai pelancongan kepada JETLI Airlines berdasarkan bilangan bilik penginapan bermalam yang disediakan kepada penumpang warga asing mereka.

**S31: Adakah cukai pelancongan dikenakan kepada pelajar warga asing yang mendaftar di Institusi Pengajian Tinggi Swasta di Malaysia dan menginap di premis yang dikendalikan oleh Institusi?**

J31: Penyediaan penginapan di Institusi Pengajian Tinggi Swasta tidak tertakluk kepada cukai pelancongan.

**S32: Adakah cukai pelancongan dikenakan kepada warga asing yang memegang permit/pas kerja?**

J32: Ya, tertakluk kepada cukai pelancongan.

**S33: Adakah kapten kapal pesiaran warga asing yang bekerja di Malaysia di bawah permit kerja Malaysia dikehendaki membayar cukai pelancongan apabila dia menginap di sebuah hotel ketika kapal itu berlabuh di mana-mana pelabuhan di Malaysia?**

J33: Ya, kapten kapal tersebut bertanggung untuk membayar cukai pelancongan yang dikenakan.

**S34: Adakah tempahan bilik oleh agen pelancongan atau syarikat, tetapi didaftar masuk oleh warga asing tertakluk kepada cukai pelancongan?**

J34: Ya, tertakluk kepada cukai pelancongan.

**S35: Jika saya menjual perniagaan hotel saya kepada pemilik baru, bolehkah pemilik baru meneruskan akaun cukai pelancongan sedia ada atau adakah dia harus membuat permohonan baru untuk cukai pelancongan?**

J35: Pemilik baru perlu mengemukakan permohonan baru untuk cukai pelancongan dan pemilik lama mesti memohon pembatalan pendaftaran.

**S36: Seorang pelancong diberi 3 jam penginapan lanjutan tanpa sebarang bayaran dari waktu daftar keluar iaitu sehingga jam 3 petang. Adakah penginapan lanjutan tempoh tertakluk kepada cukai pelancongan?**

J36: Lanjutan tempoh penginapan percuma tidak tertakluk kepada cukai pelancongan. Walau bagaimanapun, sebarang penginapan lanjutan yang dikenakan pada kadar setiap bilik setiap malam tertakluk kepada cukai pelancongan.

**S37: Jika pelancong menginap untuk tempoh yang lama, contohnya satu bulan, adakah cukai pelancongan dikenakan untuk tempoh tersebut?**

J37: Ya, cukai pelancongan akan dikenakan berdasarkan tempoh pelancong menginap bermalam.

**S38: Adakah satu bilik suite di sebuah hotel dengan dua bilik tidur dianggap sebagai satu bilik atau dua bilik untuk tujuan cukai pelancongan?**

J38: Pengenaan cukai pelancongan adalah berdasarkan kepada kadar per bilik. Sebagai contoh sekiranya pengendali hotel mengenakan sewaan bilik suite sebagai satu bilik cukai pelancongan dikenakan ke atas satu bilik.

**S39: Adakah pemilik atau pengendali yang bertanggungjawab untuk mendaftar cukai pelancongan?**

J39: Pengendali yang bertanggungjawab untuk mendaftar cukai pelancongan.

**S40: Apakah liabiliti pengendali yang berdaftar pada atau selepas 01.09.2017?**

J40: Pengendali dikehendaki memohon untuk didaftarkan dalam tempoh 30 hari daripada tarikh permulaan operasi dan tarikh kuatkuasa pendaftaran adalah pada hari pertama bulan berikutnya selepas tarikh permohonan dikemukakan.

**S41: Pengendali mengendalikan 4 pangsapuri yang disediakan untuk penginapan kepada pelancong. Adakah pengendali perlu didaftarkan?**

J41: Pengendali mesti menentukan kaedah caj penginapan sama ada per unit atau bilik. Sekiranya pengendali mengenakan sewaan berasaskan bilik maka pengendali perlu berdaftar jika terdapat 5 bilik atau lebih disediakan kepada pelancong.

**S42: Adakah pengendali hotel inovatif yang menawarkan premis penginapan seperti hotel jenis Apache, kafilah, kontena, bustel, rumah bot, rumah pokok, tiub tidur, khemah, pelayaran, dll. perlu didaftarkan untuk cukai pelancongan?**

J42: Ya, sekiranya memenuhi syarat untuk pendaftaran cukai pelancongan.

**S43: Adakah hotel yang terletak di kawasan bebas cukai/ kawasan yang ditetapkan/ zon bebas dikehendaki berdaftar untuk cukai pelancongan?**

J43: Ya, dikehendaki berdaftar untuk cukai pelancongan sekiranya memenuhi syarat untuk pendaftaran.

**S44: Terdapat 6 kondominium dengan 6 pemilik dan pemilik-pemiliknya melantik seorang agen untuk mewakili mereka bagi menyediakan penginapan kepada pelancong. Adakah ejen yang mewakili pemilik**

**kondominium itu bertanggung untuk berdaftar di bawah cukai pelancongan?**

J44: Agen itu mesti mengetahui bilangan bilik penginapan yang disediakan untuk pelancong, jika jumlah bilik penginapan untuk 6 unit kondominium ialah 5 bilik atau lebih, dia perlu didaftarkan untuk cukai pelancongan.

**S45: Jika En. Aziz memiliki dan menyewakan 20 unit apartmen dua bilik, sama ada digunakan secara bermusim atau sementara, adakah dia perlu didaftarkan di bawah Akta Cukai Pelancongan 2017?**

J45: En. Aziz perlu mendaftar untuk cukai pelancongan.

**S46: Apakah implikasi cukai kepada seorang pengendali dan seorang majikan yang menyediakan penginapan kepada para pekerja di hotel?**

J46: Sebagai pengendali yang mengendalikan sebuah hotel, dia bertanggung untuk didaftarkan dan mengenakan cukai pelancongan. Walau bagaimanapun, jika dia menyediakan penginapan yang sama sebagai kemudahan kepada pekerjaanya, dia tidak dikehendaki mengena dan mengakaunkan cukai pelancongan atas penginapan oleh pekerjaanya itu.

**S47: Adakah premis penginapan bagi haiwan peliharaan bertanggung untuk berdaftar dan mengenakan cukai pelancongan?**

J47: Premis penginapan bagi haiwan peliharaan tidak bertanggung untuk berdaftar dan mengenakan cukai pelancongan.

**S48: Adakah badan berkanun yang memiliki dan mengendalikan premis penginapan dikehendaki berdaftar untuk cukai pelancongan?**

J48: Badan berkanun yang mengendali dan menyediakan premis penginapan kepada mana-mana orang untuk tujuan pendidikan, latihan atau kebajikan tidak perlu berdaftar cukai pelancongan.

**S49: Terdapat 6 kondominium (setiap kondominium terdapat 2 bilik penginapan) dengan 6 pemilik dan kesemua pemilik melantik seorang agen untuk mewakili kondominium untuk menyediakan penginapan kepada**



**pelancong. Adakah agen yang mewakili pemilik kondominium boleh mendaftar untuk TTx?**

J49: Ya, ejen perlu mendaftar di bawah TTx.

**S50: Pengendali menyediakan penginapan backpacker iaitu mereka mempunyai 10 bilik di premis penginapan mereka dan ada jenis bilik yang boleh menampung 2, 4 atau 6 orang. Kadar harga dikenakan pada setiap orang setiap malam. Setiap bilik boleh diinap oleh penginap berbayar yang berbeza dan mereka mungkin menginap pada tempoh masa yang berbeza dan beberapa tempoh tersebut mungkin bertindih di kalangan penginap yang menginap di bilik yang sama. Adakah pengendali perlu didaftarkan dan bagaimanakah dia mengenakan cukai pelancongan dalam keadaan sedemikian apabila penginap mendaftar keluar?**

J50: Pengendali tidak dikehendaki berdaftar dan tidak dikehendaki mengutip cukai pelancongan.

**S51: Bagaimana cara mendapatkan salinan TTx-02 yang hilang?**

J51: Satu salinan TTx-02 boleh diperolehi dari Stesen Kastam yang Mengawal.

**S52: Bagaimana dan di mana perlu dipamerkan sijil TTx-02? Bolehkah sijil itu diletakkan di atas meja atau di pejabat kewangan pengendali?**

J52: Pengendali mesti mempamerkan sijil TTx-02 di tempat yang mudah dilihat di premis penginapan. Pengendali boleh mencetak lebih daripada satu salinan sijil dan meletakkannya di mana perlu.

**S53: Adakah penyata cukai perlu dikemukakan bagi setiap premis berdaftar?**

J53: Ya, penyata cukai perlu dikemukakan bagi setiap premis berdaftar.

**S54: Sebuah resort di Pulau Perhentian hanya beroperasi selama 8 bulan dalam setahun. Adakah pengendali perlu mengemukakan penyata untuk sepanjang tahun?**

J54: Ya, pengendali perlu mengemukakan penyata NIL untuk bulan-bulan yang tiada operasi.

**S55: Apakah butiran atau jumlah yang perlu dinyatakan di ruangan 7 (pengecualian cukai) di dalam TTx-03?**

J55: Ruangan 7 hendaklah diisi dengan jumlah cukai yang untuk setiap malam setiap bilik yang tidak dikenakan cukai pelancongan (dikecualikan).

**S56: Pengendali memiliki 3 hotel di 3 lokasi berbeza iaitu Pulau Pinang, KL dan Johor. Untuk serahan penyata cukai pelancongan, bolehkah ianya dilakukan di bawah satu akaun seperti serahan kumpulan di bawah CBP?**

J56: Tidak, pendaftaran cukai pelancongan berdasarkan lokasi tempat penginapan. Setiap lokasi didaftarkan secara berasingan. Oleh itu, pengendali dikehendaki mengemukakan penyata cukai pelancongan secara berasingan bagi setiap premis penginapan di KL, Johor dan Pulau Pinang.

**S57: Bolehkah cukai pelancongan pada invoice diasingkan untuk setiap penginap yang menginap di bilik yang sama?**

J57: Pengendali tidak dibenarkan untuk mengasingkan cukai pelancongan berdasarkan penginap kerana cukai pelancongan dikenakan atas dasar bilik.

**S58: Adakah terdapat format khusus untuk invoice cukai pelancongan?**

J58: Tiada format khusus untuk invoice cukai pelancongan.

**S59: Adakah pengendali diperlukan untuk menyatakan sebab pengecualian dalam invoice jika mereka tidak mengenakan cukai pelancongan?**

J59: Sebab pengecualian bukanlah keperluan untuk dinyatakan di dalam invoice tetapi bagi tujuan pengauditan pengendali digalakkan untuk menyatakan sebab tidak mengenakan cukai pelancongan.

**S60: Moon Hotel, orang berdaftar CBP mempunyai kontrak dengan platform tempahan hotel atas talian. Encik Kim dari Korea menempah bilik di Moon Hotel melalui platform ini selama 3 malam dan dikenakan kadar bilik RM250 setiap bilik setiap malam. Apabila dia mendaftar keluar dari hotel, dia meminta resit pembayaran cukai pelancongan. Adakah Moon Hotel perlu mengeluarkan invoice cukai?**

J60: Moon Hotel tidak dibenar mengeluarkan invois cukai bagi pembayaran cukai pelancongan tetapi dikehendaki mengeluarkan invois, resit atau dokumen lain seperti yang diperuntukkan di bawah seksyen 14 Akta Cukai Pelancongan 2017.

**S61: Di mana pengendali boleh mendapatkan senarai pengendali yang dikecualikan daripada cukai pelancongan?**

J61: Senarai pengendali yang dikecualikan daripada cukai pelancongan boleh didapati dalam Perintah Cukai Pelancongan (Pengecualian) 2017.

**S62: Sebagai Pengendali Perkongsian Masa, kami kini mengendalikan 2 blok pangsapuri berservis dengan 2 atau 3 bilik di setiap unit. Mohon nasihat mengenai kriteria untuk menentukan bilangan bilik.**

J62: Bilangan bilik merujuk kepada jumlah bilik penginapan di 2 blok pangsapuri perkhidmatan yang dikendalikan oleh Pengendali Perkongsian Masa itu.

**S63: Bagaimanakah cukai pelancongan dikira semasa tempoh peralihan iaitu penginap mendaftar masuk pada 31 Ogos 2017 dan mendaftar keluar pada 1 September 2017?**

J63: Sila rujuk kepada perenggan 22 Panduan Am mengenai Cukai Pelancongan untuk contoh lanjut yang berkaitan dengan tempoh peralihan.

**S64: Kontrak yang dibuat lebih awal oleh ejen dengan pengendali di mana bayaran pendahuluan telah dibuat sepenuhnya sebelum 1 September 2017 untuk penginapan pada atau selepas 1 September 2017. Adakah terdapat pengecualian untuk kontrak yang dibuat sebelum ini?**

J64: Tiada pengecualian daripada pengenaan cukai pelancongan untuk kontrak yang dibuat sebelum 1 September 2017.

**S65: Seorang pemilik perkongsian masa warga asing telah membeli dan membayar yuran keahlian untuk program perkongsian masa sebelum 1 September 2017. Jika dia berhasrat untuk menggunakan haknya untuk menginap di sebuah resort atau rumah peranginan di bawah program ini dalam jangka masa yang ditetapkannya, adakah dia dikehendaki membayar cukai pelancongan kepada pengendali perkongsian masa itu?**

J65: Pemilik perkongsian masa warga asing dikehendaki membayar cukai pelancongan pada pengendali penginapan.

**S66: Warga asing mendaftar masuk ke bilik hotel tetapi bilik itu didaftarkan di bawah nama warganegara Malaysia dan warganegara Malaysia itu tidak menginap. Adakah warga asing dikehendaki membayar cukai pelancongan?**

J66: Ya, warganegara asing masih tertakluk kepada cukai pelancongan.

**S67: Apakah dokumen yang diperlukan untuk mengenal pasti warga asing mendaftar masuk ke sebuah hotel?**

J67: Dokumen yang diperlukan adalah salinan pasport, butir-butir yang diperlukan dalam invois yang dikeluarkan kepada pelancong contohnya nama penuh, alamat dan nombor pasport.

Pengendali boleh menggunakan maklumat ini sebagai panduan:

Jabatan Imigresen Malaysia akan mengeluarkan pas khusus kepada warga asing yang menunjukkan tujuan lawatan ke Malaysia. Pas tersebut akan dilekatkan ke dalam pasport dan ia mengandungi maklumat seperti nama, jantina, warganegara, syarat-syarat untuk tinggal dan alamat majikan.

Untuk membantu pengendali menentukan sama ada warga asing tersebut dianggap sebagai pelancong atau tidak, maklumat di bawah boleh digunakan sebagai panduan.

<b>Jenis-jenis Pas</b>	<b>Ciri-ciri</b>	<b>Tindakan oleh Pengendali</b>
1. Pas Lawatan (Sosial) Jangka Pendek	Dikeluarkan kepada pelancong biasa.	Pengendali perlu mengenakan cukai pelancongan kepada pemegang pas ini kerana dia adalah pelancong.
2. Pas Lawatan (Sosial) Jangka Panjang	i. Dikeluarkan kepada warga asing yang memenuhi syarat-syarat yang ditetapkan oleh Jabatan Imigresen Malaysia. ii. Ianya untuk tinggal sementara tidak kurang daripada 6 bulan.	Pas Lawatan (Sosial) Jangka Panjang tidak membenarkan orang itu bekerja di Malaysia jadi dia dianggap sebagai pelancong. Pengendali perlu mengenakan cukai pelancongan.

<p>3. Pas Residen</p>	<p>i. Dikeluarkan kepada warga asing yang mempunyai ikatan kekeluargaan dengan warganegara Malaysia. ii. Dikeluarkan kepada warga asing yang mempunyai ikatan kekeluargaan dengan Pemastautin Tetap. iii. Dikeluarkan kepada bekas warganegara Malaysia. iv. Telah berada di Malaysia dengan Pas Lawatan (Sosial) Jangka Panjang yang sah sekurang-kurangnya tiga (3) atau lima (5) tahun.</p>	<p>Pas Residen tidak mengandungi maklumat untuk menunjukkan bahawa orang itu bekerja di Malaysia, jadi dia dianggap sebagai pelancong. Pengendali perlu mengenakan cukai pelancongan.</p>	
<p>4. Pas Lawatan (Ikhtisas)</p>	<p>i. Dikeluarkan kepada profesional warga asing untuk bekerja di Malaysia atau menghadiri/menjalankan latihan di Malaysia (tanpa bergaji di Malaysia) ii. Tinggal untuk jangka masa tidak melebihi 12 bulan. iii. Gaji tidak dibayar oleh majikan di Malaysia.</p>	<p>Pemegang pas ini adalah pelancong tidak kira di mana dia bekerja atau menghadiri/menjalankan latihan. Pengendali perlu mengenakan cukai pelancongan kepadanya.</p>	
<p>5. Pas Lawatan Kerja Sementara</p>	<p>i. Dikeluarkan kepada: - Pekerja Asing - Pembantu Rumah Asing ii. Bekerja dalam bidang pembuatan, perladangan, pertanian, pembinaan, dan perkhidmatan. iii. Dibenarkan bekerja dalam tempoh tidak melebihi 5 tahun. iv. Gaji dibayar oleh majikan di Malaysia.</p>	<p>Cukai pelancongan perlu dikenakan bergantung kepada situasi di bawah:</p>	
		<p>Bukan Pelancong</p>	<p>Pelancong</p>
		<p>Warga asing tidak dianggap sebagai pelancong jika dia menginap di premis penginapan di dalam kawasan di sekitar lokasi yang dinyatakan di dalam pas.  Cth. Miss J merupakan pembantu rumah asing yang bekerja untuk sebuah keluarga di Kajang.</p>	<p>Dalam situasi yang lain, jika pembantu rumah tersebut pergi bercuti dan menginap di sebuah hotel di Genting Highland, dia dianggap sebagai pelancong kerana lokasi hotel di luar kawasan yang dinyatakan di dalam pas. Pengendali perlu mengenakan cukai pelancongan.</p>

		Semasa hari cutinya, dia tinggal di sebuah hotel di bandar Kajang. Hotel ini tidak perlu mengenakan cukai pelancongan kepada Miss J kerana dia tidak dianggap sebagai pelancong.	
6. Pas Penggajian.	<p>i. Dikeluarkan kepada ekspatriat untuk membenarkannya tinggal dan bekerja secara sah di Malaysia.</p> <p>ii. Gaji dibayar oleh majikan di Malaysia.</p>	Sama seperti di atas.	

Penafian: Sila ambil perhatian bahawa sementara JKDM telah mengambil inisiatif untuk memastikan bahawa maklumat di atas adalah terkini dan tepat, ciri-ciri yang tidak disenaraikan dalam jadual hendaklah dirujuk kepada Jabatan Imigresen Malaysia untuk verifikasi dan pengesahan.

**S68: Siapakah yang bertanggungjawab untuk mengakaun cukai pelancongan jika penginap enggan membayarnya?**

J68: Pengendali bertanggungjawab untuk mengakaunkan cukai pelancongan.

**S69: Petronas menggunakan jurutera asing untuk melakukan pembaikan di pelantar minyak. Apabila jurutera itu tidak bekerja di pelantar, mereka diberi penginapan di sebuah hotel di tanah besar. Adakah jurutera itu dianggap sebagai pelancong dan bertanggung untuk membayar cukai pelancongan?**

J69: Ya, jurutera itu dianggap sebagai pelancong dan bertanggung untuk membayar cukai pelancongan.

**S70: Saya mengendalikan premis penginapan dan didaftarkan di bawah Akta Cukai Perkhidmatan 2018. Bolehkah saya menggabungkan cukai pelancongan dan cukai perkhidmatan yang dikutip dalam satu penyata?**

J70: Tidak, anda dikehendaki mengemukakan penyata yang berasingan iaitu penyata TTx-03 untuk cukai pelancongan dan penyata SST-02 untuk cukai perkhidmatan.

**S71: Jika saya mengendalikan premis penginapan di kawasan yang ditetapkan, zon bebas atau kawasan bebas cukai, adakah saya perlu mengenakan cukai pelancongan?**

J71: Akta Cukai Pelancongan 2017 terpakai bagi premis penginapan di kawasan yang ditetapkan, zon bebas atau kawasan bebas cukai. Anda dikehendaki mengenakan cukai pelancongan tertakluk kepada peraturan biasa.

**S72: Adakah pengendali dibenarkan mengenakan CBP ke atas caj bilik jika caj bilik adalah termasuk cukai pelancongan?**

J72: Pengendali tidak dibenarkan mengenakan CBP ke atas cukai pelancongan.

**S73: Bagaimanakah saya mengeluarkan sebut harga kepada pelancong Malaysia dan pelancong asing?**


J73: Sebutharga kepada pelancong Malaysia atau pemastautin tetap Malaysia yang menginap di premis penginapan hendaklah tidak termasuk cukai pelancongan. Walau bagaimanapun, sebut harga bagi bukan warga Malaysia atau bukan pemastautin tetap Malaysia yang menginap di premis penginapan hendaklah termasuk cukai pelancongan.

**S74: Bilakah saya perlu mengakaunkan cukai pelancongan untuk kontrak tempahan berkumpulan pada masa hadapan di mana saya menerima bayaran terlebih dahulu untuk tempahan tersebut di hotel saya tetapi kewarganegaraan penginap belum diketahui?**

J74: Apabila pengendali yang berdaftar untuk cukai pelancongan menerima bayaran terlebih dahulu, pengendali tidak dikehendaki untuk mengakaunkan cukai pelancongan sehingga kumpulan itu menginap dan mendaftar keluar.

**LAMPIRAN 1**

Contoh inouis yang dikeluarkan oleh pengendali yang berdaftar di bawah Akta Cukai Pelancongan 2017 yang juga berdaftar di bawah Akta Cukai Perkhidmatan 2018

<b>HOTEL GRAND SDN. BHD.</b> Jalan Masa 75000 Bandar Hilir Melaka Tel : 06-8768356 Email : hotel.abc@gmail.com		 <b>H O T E L</b>
		<b>SST ID:</b> (WXX-1901-32000XXX) <b>TTx ID:</b> (000012345789)
<b>INVOICE</b>		
Bill to: Hakim Bin Syarie No 76 Jalan Masjid 06000 Jitra Kedah		Invoice No: 870008 Date : 3 September 2018
<b>Date</b>	<b>Description</b>	<b>Amount (RM)</b>
2 September 2018	Room charges (RM200.00/night)	400.00
– 4 September 2018	Service charge (10% X RM400.00)	40.00
	Total	440.00
	Service Tax (6%)	26.40
	Heritage Tax (RM 2/night)	4.00
	Tourism Tax (RM10/night)	20.00
	<b>TOTAL CHARGES</b>	<b>RM 490.40</b>



**Contoh invois yang dikeluarkan oleh pengendali yang berdaftar di bawah Akta  
Cukai Pelancongan 2017**

**HOTEL VIEW SDN. BHD.**

Jalan Ulam  
47000 Petaling Jaya  
Selangor  
Tel : 03-8768356  
Email.: hotel.view@yahoo.com



TTx ID : (000098764321)

**INVOICE**

Bill to:  
Kenneth Leow  
25, Kent Ridge Road  
Singapore 119077

Invoice No: 870008  
Date : 3 October 2017

Date	Description	Amount (RM)
2 – 3 Oct. 2017	Room charges	150.00
	Service charge	15.00
3 - 4 Oct. 2017	Room charges	150.00
	Service charge	15.00
	Tourism Tax (RM10/night)	20.00
<b>TOTAL CHARGES</b>		<b>RM 350.00</b>